

周禮故書考

三禮鄭註考序

長洲程君東治治禮經研心鄭註手摘其要區爲三冊  
曰周禮故書考儀禮古文今文考禮記古訓考欲以示  
今學者悟所從入而於其中鈎稽推挾自爲證明蓋尤  
不務泛濫旁涉其詞故余於是嘆東治氏爲得治經之  
體然鄭註所云故書及古文作某者余亦不敢取徵于  
他書竊獨念自三代以逮秦漢金石刻所畱遺其文字  
爲最古固可撮舉以與鄭註相例今如周禮鄉師與其  
輦輦註故書輦作連証以漢魯相韓勅造孔廟禮器碑  
器用胡輦胡輦卽論語瑚璉是輦連爲一字也小宗伯

掌建國之神位註故書位作立古者立位同字古文春秋經公卽位爲公卽立証以焦山鼎銘僉立中廷叢敦銘叢立中廷邗敦銘毛伯內王立中廷周頌敦銘王各太室卽立宰及右頌入門立中廷卯敦銘卯立中廷同器銘同立中廷北鄉師酉敦銘酉立中廷是皆指數之不可窮而趙德父謂古器物銘凡言卽立或言立中廷皆當讀爲位蓋古文假借殆亦未知立位同字也考工記作舟以行水註故書舟作周証以焦山鼎銘王各于舟廟漢孟郁修堯廟碑委曲舟匝洪景伯釋舟爲周是其例也儀禮士冠禮旅占註古文旅作臚証以古器物

銘內稱旅尊旅簋旅匝旅鼎之屬蓋皆爲臚字義取於  
陳列爾而薛尚功釋旅爲言不一博古圖又取於士旅  
食皆失其旨矣眉壽萬年註古文眉作麋証以鐘鼎款  
識眉多用麋字又漢北海相景君碑亦有不永麋壽洪  
景伯釋麋作眉是也與始飯之錯註古文始爲姑証以  
晉姜鼎銘朕先姑君晉邦姑卽始字周頌敦銘皇考葬  
亦皇母葬始始卽姑字于文皆可錯見而義自明也士  
相見禮妥而後傳言註古文妥爲綏証以晉姜鼎銘妥  
懷遠邦楊南仲釋云妥讀爲綏說文無妥字蓋古綏字  
省鄉射禮唯君有射於國中註古文有作又証以寅簋

銘師氏人又罪又故齊侯鐸鐘銘又其于所其他器物  
諸銘稱十又六年十又三月者又並爲有也聘禮管人  
布幕於寢門註今文布作敷証以潘乾校官碑布政優  
後今詩文布作敷是碑所引布政爲古文也觀禮太史  
是右註古文是爲氏証以漢韓勅修孔廟碑後韓君於  
氏憤懣之思惟古之嘆洪景伯釋氏作是是碑亦用氏  
爲古文也士喪禮不述命註古文述皆作術証以漢孟  
郁修堯廟碑吏士歌術功精萬世靈臺碑累世同居州  
里稱術韓勅修孔廟碑後共術韓君德政巴郡太守樊  
敏碑臣子褒術義皆作述士虞禮甚而小祥註古文甚

作基証以成陽靈臺碑承祠基年費鳳碑基月而致道  
漢人近古凡見于文詞者多依用古文如是其著且明  
然則承學之徒不達此旨反望文生義而曲肆其鑿說  
經乃益用晦矣程君之爲是書也深欲便受書者由古  
文漸而致於古訓以合夫韓子凡爲文宜識奇字之意  
其功詎不偉歟余十餘年前亦爲禮學蓋有慕於唐王  
恭講三禮別爲義証遂妄欲勒成一書標爲三禮義證  
旣已扶翼鄭學而更以易疏家之繁釀然迫於窮年奔  
逐訖未果就今得程君導夫先路足與發吾覆矣余故  
三復斯編用是以自勗厲且冀良友之誨其成也乾隆

五十六年辛亥歲秋九月九日偃師武億撰

三禮鄭註考序

漢鄭康成經各有註自孔穎達撰五經正義後鄭易書  
論語註皆不傳傳者毛詩三禮註而已康成云傳書世  
異古字時有存者則亦有今誤者故周禮有數本劉向  
未校之前或在山巖石室爲古文考校後爲今文古今  
文不同鄭據今文作註每云故書作某又杜子春先鄭  
鄭司農鄭衆鄭  
大夫鄭少璜讀音有各異者儀禮高堂生傳十七篇  
爲今文武帝末得亡儀禮五十六篇其字皆篆書爲古  
文古文與高堂生所傳者同而字多不同鄭註每云古  
文作某今文作某禮記出自羣儒有字同義異字同音

異鄭註咸爲引證蓋三禮互異諸儒各記所聞不可強  
合康成或以今文易之仍載古文古音不輕易一字以  
爲古經不可改其易註論語註往往散見于三禮註疏  
中又足資考據今人于周禮第知旁訓節訓儀禮襲先  
儒說謂多誤難讀禮記惟宗陳澧集說鄭註三禮東書  
不讀可爲太息曠曰輯成三冊曰周禮故書考曰儀禮  
古文今文考曰禮記古訓考由識字審音以知其義亦  
讀經之一助且漢註甚古後人莫曉輟肆譏評多見其  
不知量也長洲後學程際盛序

周禮故書考

長洲程際盛東冶輯

世英芝培

男世萱雪門校

世茂松坡

天官冢宰

胥十有二人註 胥讀如誦

大宰三曰官聯註 古書連作聯又聯讀爲連

八曰匪頒之式註 頒讀爲班布之班

二曰嬪貢註 嬪故書作賓

八曰旂貢註 旂讀如圓游之游

小宰掌建邦之官刑註 杜子春云宮皆當爲官

按經文以官刑憲禁於王宮而令于百官府且曰  
國有大刑則官刑當作官刑明矣

六曰敏弛之聯事註 杜讀弛爲施

聽稱責以傅別註 傅別故書作傅辨又讀爲符別  
杜讀爲傅別

六曰廉辨註 杜云廉辨或爲廉端

七事者註 七事故書爲小事

宮伯以時頒其衣裳註又大宗伯乃頒祀于邦國註又  
大史頒告朔于邦國註 頒讀爲班

庖人賓客之禽獻註 獻古文爲獸

內饗豕盲眊而交睫腥註 腥當爲星杜云盲眊當爲

望眊

甸師祭祀共蕭茅註 蕭字或爲茜茜讀爲縮

腊人共豆脯薦脯臠胖註 豆當爲羞胖讀爲判杜讀  
胖爲版

馮醫祝藥註 祝當爲注

酒正辨五齊之名註 杜讀齊皆爲粢

共其計酒正奉之註 故書酒正無酒字

凌人掌冰正歲註 故書正爲政掌冰政杜讀掌冰爲

主冰政當爲正正爲夏正

遊人糗餌粉資註 故書資作茨

醢人菲菹註 菲讀爲茅杜讀菲爲卯

鴈醢註 故書鴈或爲鶉

五齊註 齊當爲釐

鹽人祭祀共其苦鹽註又典婦功辨其良苦註 杜讀

苦爲鹽

掌舍設楹桓再重註 故書桓爲柜

棘門註 杜云棘門或爲材門

玉府珠槃註 故書珠爲璣

外府共其財用之幣齋註又掌皮歲終則會其財齋註  
又巾車毀折入齋于職幣註 齋或爲資

司會以參互考日成註又脩閭氏互櫟註 故書互爲  
巨

司書受其幣註又大司徒使之相受註又掌葛以權度  
受之註 故書受爲授

職幣奠其錄註 故書錄爲祿

司裘諸侯則共熊侯豹侯註 故書諸侯則共熊侯虎  
侯

廡裘註又司服廡衣服註又大師廡作匱謚註又司

兵厥五兵註 故書厥爲淫

內宰以作二事註 故書二爲三

出其度量淳制註 故書淳爲敦杜讀敦爲純

九嬪贊玉盞註 故書玉爲王

按李陽冰曰王中盞近上王者則天之義王三畫

正均如貫玉也

女祝掌以時招梗禴禋禘之事註 梗讀爲亢杜讀梗爲

更

典婦功女功之事齋註又典臬以待時頒功而授齋註

故書齋爲資

凡授嬪婦功註又司儀再拜受幣註 授當爲受

典絲受良功而藏之註 良當爲苦

內司服揄狄註 狄當爲翟

展衣註 當爲禮

按禮記作禮

緣衣註 緣衣實作祿衣

縫人喪縫棺飾焉註 故書焉爲馬

衣嬰柳之材註 故書嬰柳作接櫛又接讀爲盪櫛

讀爲柳

按六經嬰字皆作盪說文無此字

染人夏纁元註 故書纁作絜

屨人青句註 句當爲紉

夏采以乘車建綏復于四郊註 故書綏爲禮

按綏當作綏字之誤也士冠禮及玉藻冠綏之字  
故書亦多作綏者今禮家定作綏

地官司徒

遺人註 遺讀如詩曰棄予如遺之遺

廛人註又載師廛里註 故書廛爲壇

泉府註 故書泉或作錢

士訓註 訓讀爲馴

饋人註 故書饋作饌

橐人註 橐讀爲犒師之犒

大司徒辨五地之物生註 杜讀生爲性

其植物宜膏物註 膏當爲橐

以儀辨等註又小宗伯肆儀爲位註又肆師治其禮

儀註又典命五儀註 故書儀或義

爲字

按古者書儀但爲義今時所謂義爲誼義古文春  
秋經傳皆作誼

正日景以求地中註 故書求爲救

按說文引虞書云旁殺倂功是救當作殺古文求

九日蕃樂註 杜讀蕃樂爲藩樂

使之相賜註 賜當爲糾

小司徒凡征役之施舍註 施當爲弛

乃分地域而辨其守施其職而平其政註 政當作

征故書域爲邦

鄉師共茅菹註 菹讀爲藉杜云菹當爲菹

與其輦輦註 故書輦作連

執斧以涖匠師註又司市市師涖焉註又大宗伯涖

玉鬯註 故書涖作立

巡其前後之屯註 故書巡作述屯或爲臂又讀屯

爲課殿杜讀爲在後曰殿

馴萬民之難阨註 馴讀爲周急之周

鄉大夫四曰和容五曰典舞註 杜讀和容爲和頌故

書舞爲無

按禮器云周坐尸詔侑武方註武當爲無聲之誤也古無與武同音武又與舞通

族師各掌其族之戒令政事月吉則屬民而讀邦灋註故書或無事字杜云當爲正月吉

春秋祭酺註 故書酺或爲步

閏胥凡春秋之祭祀役政註又均人掌均地政註又遂

人以土均平政註又土均掌平土地之政註 杜讀

政爲征

既比則讀濼註 故書旣爲暨

觸撻罰之事註 故書或言觸撻之罰事

舞師教皇舞註又樂師有皇舞註 皇書或爲翌或爲

義故書皇作翌

牧人陰祀用騶牲註又守祧其祧則守祧勦墜之註

勦讀爲幽

凡外祭毀事用虺註 故書毀爲龜虺作龍

牛人以授職人而芻之註又肆師頒于職人註 職讀

爲機

載師士田註 士讀爲仕

近郊註任稍地註 故書郊或爲蒿稍或作削

漆林之征註 故書漆林爲黍林

遺人以恤民之難阨註以待鞞旒註 故書鞞阨作權

阨鞞作寄

均人公旬註 旬讀如督督原隰之督

師氏掌國中失之事註 故書中爲得杜云當爲得

凡國之貴遊子弟學焉註 杜云遊當爲猶

王舉則從註 故書舉爲與

四夷之隸註 故書隸或作肆

媒氏入幣純帛註 純實緇字也古緇以才爲聲

司市展成奠賈註又弓人寒奠體註 奠讀爲定杜云  
當爲定

上旌于思次以令市註 思當爲司字

辟布者註 故書辟爲解

其附于刑者註 故書附爲拊

質人壹其淳制註 淳當爲純又淳讀如淳尸盟之淳  
歷人總布註又肆長飲其總布註 杜云總當爲僂又  
總讀如祖總之總

凡珍異之有滯者註 故書滯或作屢又滯讀如沉  
滯之滯

買師凡國之賣債註 故書賣爲買

胥襲其不正者註 故書襲爲習

泉府貨之滯于民用者註 故書滯爲痺

買者各從其抵註 抵實祇字

司門掌授管鍵註 鍵讀爲蹇

正其貨賄註 正讀爲征

掌節以英蕩輔之註 杜云蕩當爲帑

遂人以與勑利疇註又里宰以歲時合耦于勑註 勑

讀爲藉杜讀勸爲助

與其施舍者註又遂師辨其施舍註又遂夫夫與其  
可施舍者註土均與其施舍註 施讀爲弛

遂師庀其委積註 故書庀爲比

及屨車之役註 屨禮記或作輶或作輪

比叙其事而賞罰註又守祧比其具註又大胥比樂  
官註 比讀爲庀

旅師而用之以質劑致民註 而讀爲若

稍人以甸聚待羈旅註 故書羈作奇

凡其余聚註 余當爲餘

草人駢剛用牛墳壤用麋註 故書駢爲挈墳作食

稻人以溝蕩水註 杜讀蕩爲和

廩人以待國之匪頒註 匪讀爲分

共其接盛註 接讀爲壹扱再祭之扱

春官宗伯

大師眡瞭註 眡讀爲虎眡之眡

韎師註 韎讀如味飲食之味又讀如韎韐之韎杜讀

韎爲味莖著之味

按爾雅味莖藟杜子春作著味五味也

韎韐氏註 韎讀如履

按玉篇鞮作趨

大宗伯吉禮註 故書吉或爲告

以實柴祀日月星辰註 故書實柴或爲賓柴

五祀註又小祝祀于社註又小子五祀註 故書祀  
作禩

按說文祀或从禩

彌辜註 故書彌爲罷

以荒禮哀凶札註 札讀爲截

侯執信圭註 信當爲身

攝而載果註又小宗伯以待果將註 果讀爲裸

小宗伯掌建國之神位註 故書位作立古者立位同  
字古文春秋經公卽位爲公卽立

按左傳襄公三十一年辨於其大夫之族姓班位  
說苑作變立變讀曰辨辨讀曰班徐廣史記註辨  
音班

辨立齋之名物註 齋讀爲粢

若大甸註 甸讀曰田

以秬鬯泚註 杜讀泚爲泚

甫窶註 讀窶皆爲穿杜讀窶爲毳

肆儀爲位註 故書肆爲肆

肆師及其祈珥註 故書祈爲幾又祈當爲進祿之祿

杜云珥當爲餌又珥當爲餌

表齎盛註 故書表爲剽

爲位註 故書位爲位

凡師不功註 故書功爲工古者工與功同字

祭表貉註 貉讀爲十百之百

鬱人與量人受舉學之卒爵註 學受福之報

鬯人用瓢齋註 故書瓢作剽齋讀爲齊杜讀齋爲粢

廟用修註 修讀曰白

凡四方山川用蜃凡祿事用槩註 故書蜃或爲模

裸當爲埋

共其纍也註又雞人面襪纍註又天府纍寶鎮註  
纍讀爲嶽

司奠彝朝踐用兩獻尊註 故書踐作餞獻讀爲犧

諸臣之所昨也註又司几筵昨席註 昨讀爲酢

祿用學葬註雌彝註 學讀爲椽雌讀爲蛇虺之虺

或讀爲公用射隼之隼

鬱齊獻酌醴齊縮酌註 獻讀爲儀又讀爲摩莎之

莎故書縮爲數齊爲盞材云齊讀皆爲案

凡酒脩酌註 脩讀如滌濯之滌

司几筵設莞筵紛純註 紛讀爲齒又讀爲和粉之粉  
純讀爲均服之均

加灑席畫純註又典瑞灑藉五采註 灑讀爲藻率  
之藻

每敦一几註 敦讀爲壽

凶事仍几註 故書仍爲乃

天府凡國之玉鎮註又典瑞執鎮圭註 故書鎮作瑱  
典瑞王晉大圭註 晉讀爲搢紳之搢

四圭有邸註 邸讀爲抵欺之抵

珍圭註 杜云珍當爲鎮

駟圭註又玉人駟琮五寸註

駟讀爲組又讀爲駟

疾之駟

疏璧琮以斂尸註

疏讀爲沙

司服希冕註

希讀爲絺或作黼

凡弔事弁經服註

故書弁作紕

守祧廟祧註

故書祧作濯

內宗薦加豆籩註

故書爲籩豆

大司樂播之以八音註

故書播爲藩杜云播讀如后

稷播百穀之播

九磬之舞註

九磬讀當爲大韶

樂師趨以采齋註 故書趨作跲

詔來瞽率舞註 瞽當爲鼓率當爲告

燕射帥射夫以弓矢舞註 故書燕爲舞帥爲率射

夫爲射矢

遂倡之註 故書倡爲昌

大胥舍采合舞註 采讀爲茶

大師今奏擊拊註 故書拊爲付

今奏鼓鞀註 鞀讀爲道引之引

瞽矇世奠繫註又小史奠繫世註 故書奠或爲帝杜

云帝讀爲定其字爲奠

砥瞭擊頌磬註 頌或作庸

磬愷獻註 杜讀磬爲憂戚之戚

典同六同註 故書同作銅

高聲硯註 故書硯或作硯讀硯爲衰冕之衰杜讀

硯爲鏗鎗之鏗

陂聲散註 陂讀爲人短罷之罷又讀爲險陂之陂

馮聲醵註 醵讀爲鶉鵠之鵠又讀爲飛鈞涅醵之

醵杜讀鵠爲闇不明之闇

佻聲笮註 笮讀爲行扈啗啗之啗

薄聲甄註 甄讀爲甄濯之甄

磬師擊編鐘註 杜讀編爲編書之編

教授樂註 綬讀爲綬錦之綬杜讀綬爲怠慢之慢

鐘師納夏祴夏祴 故書納作內杜云祴讀爲陔鼓之

陔

掌遠鼓註 鼓讀如莊王鼓之鼓

笙師箏管註 杜讀箏爲蕩滌之滌

籥章國祭蜡註 故書蜡爲蠶

典庸器設筍虞註 杜云筍讀爲博選之選

太卜二曰臚夢三曰咸陟註 騎讀如諸戎倚之倚杜

讀臚爲奇偉之奇陟讀如王德翟人之德

其經運十註 運或爲緝當爲輝

龜人果屬註 杜讀果爲羸

董氏掌共燠契註 杜云燠讀爲細目燠之燠或曰如

薪樵之樵

遂歛其煖契註 煖讀如戈鐔之鐔杜讀爲英俊之

俊按儀禮士喪禮註引此遂作燧歛作灼遂役之作

遂以役之

箬人巫更註 此九巫讀皆當作筮

占夢噩夢註 杜云噩當爲驚愕之愕

乃舍萌于四方註又甸視舍奠于祖廟註又大史飾

中舍算註 舍讀爲釋古書釋菜釋奠多作舍字杜  
讀萌爲明

遂令始難註 故書難或爲雥杜讀難爲難問之難  
眠被三日鑄註 鑄讀如童子佩鑄之鑄

七日彌九日墜註 故書彌作迷墜作資

太祝二日造註 故書造作竈杜讀竈爲造次之造

按古造竈通膳夫職以樂徹于造造作食物之處  
一日祠三日誥註 祠當爲辭杜曰誥當爲告

二日衍祭三日炮祭五日振祭六日擗祭註 衍字  
當爲延炮字當爲包讀振爲振旅之振杜云振讀爲

慎孺讀爲虞芮之芮

四曰振動註七日奇擗八曰褒擗註 杜云振讀爲

振鐸之振動讀爲哀慟之慟又動讀爲董或云奇讀  
爲倚杜云奇讀爲奇耦之奇褒讀爲報

以享右祭祀註又右亦如之註 右讀爲侑

祭示註 故書祗爲祔

令準舞註 準讀爲卒嗥呼之嗥

言甸人讀禱付註 付當爲祔

小祝彌裁兵註 彌讀曰救

按救玉篇作侏

大喪贊、泚註 故書泚為攝

置銘註 銘今書或作名

設道齋之奠註 杜云齋當為粢

喪祝掌大喪勸防之事註 杜云防當為披

甸祝表貉之祝號註 杜讀貉為百爾所思之百書亦

為禡

禡牲禡馬註 禡讀如伏誅之誅

司巫及菑館註 杜云菑讀為鉏書或為菑館或為租

飽

男巫望衍註 衍讀為延

冬堂贈註 故書贈爲贈

春招弭註 弭讀爲牧杜讀弭如彌兵之彌

王弔則與祝前註 故書前爲先

大史協事註 故書協作叶或爲汁

小史叙昭穆之俎簋註 故書簋或爲几几讀爲軌書亦或爲簋古文也

伴章氏以志星辰日月之變動註 志古文識

巾車錫樊纓註 樊讀如鞞帶之鞞

金路鉤註 故書鉤爲拘

條纓註 條讀爲條

前樊鵠纓註 前讀爲緇翦之翦杜云鵠或爲結

朱總鷺總註 故書朱總爲緹鷺或作翳鷺讀爲鳧

鷺之鷺

組輓有翳註 故書翳爲駝杜云當爲翳書亦或爲

駝

尾囊疏飾小服皆疏註 故書疏爲指杜讀指爲沙

服爲節

素車禁蔽註 禁讀爲蒨

藻車註 故書藻作輶杜讀輶爲華藻之藻

號車註又犬人用號註 故書號作龍

髻飾註 髻爲軟軟讀爲忝坵之忝

孤乘夏篆註 故書夏篆爲夏緣篆讀爲圭琢之琢

按說文作夏馴馴與緣音相近

歲時更續註 故書更續爲受讀

鳴鈴註 故書鈴或作鈴

車僕萃車之萃註 故書萃作平杜云萃車當爲駟車

其字當爲萃

大射共三乏註 乏讀爲匱乏之乏

司常皆畫其象焉註 杜云畫當爲書

家宗人以禴國之凶荒註又庶氏以攻說禴之註 禴

讀如潰癰之潰

夏官司馬

司勳註 故書勳作勛

司燿註 故書燿爲燹又讀如予若觀火之觀

挈壺氏註 挈讀如絜髮之絜

橐人註 橐讀爲芻橐之橐

大司馬暴內陵外則壇之註 壇讀如同墀之墀又讀

從憚之以威之憚

九畿註 故書畿爲近

辨鼓鐸鐃鏡之用註師帥執提註 鐃讀如濁其源

之濁鏡讀如謹曉之曉提讀如攝提之提

有司表貉註 貉讀爲禡

中夏教芟舍註 芟讀如萊沛之沛

羣吏撰車徒註 撰讀曰算

各書其事註 書當爲畫

致禽以祀祊註 祊當爲方

攬鐸註 攬讀如弄又謂如涿鹿之鹿

比軍衆註 比或作庀

馬質剛惡馬註 綱讀爲以亢其雉之亢書亦或爲亢

量人受罕歷而皆飲之註 罕讀如椽尸之椽又讀如

嫁娶之嫁

小子羞羊肆註 肆讀爲鬻

掌珥于社稷祈于五祀註又士師凡劓珥註又司約則珥註 珥讀爲衄祈或爲劓

羊人繫積註 積故書爲毗毗讀爲漬

掌固夜三鑿以號戒註 杜讀鑿爲造次之造

射人射豨侯註 大射禮豨作干讀如宜豨宜獄之豨作大夫介註 作讀如作止爵之作

服不氏賓客之事則抗皮註 抗讀爲亢其讎之亢以旌居乏而待獲註 杜云待當爲持乏讀爲匱乏

之乏

射鳥氏則以并夾取之註 夾讀爲甲

羅氏蜡則作羅襦註 襦讀爲縠有衣袷之縠

司士掌羣臣之版註 故書版爲班

諸子掌國子之倅註 故書倅爲卒又卒讀如物有副

倅之倅

大僕戒鼓傳達于四方註 故書戒爲駭

窆亦如之註 窆讀如慶封祀祭之祀

隸僕掌五寢之埽除糞洒之事註 洒當爲灑

弁師諸侯之纁旒九就註 侯當爲公纁當爲藻纁古

字也藻今字也

璿玉三采註 故書璿作璣

會五采玉璿註 故書會作脩讀如馬會之會又讀  
如大會之會璿讀如綦車較之綦又讀如薄借綦之  
綦

司弓矢樞質者註 故書樞爲報

痺矢註 痺矢讀爲人罷短之罷又讀如痺病之痺  
稟人試其弓弩註 故書試爲考

戎右桃剗註 故書剗爲滅杜云滅當爲厲

大馭及犯較註 故書較作罰杜云較讀爲別異之別

右祭兩軹祭軌乃飲註 故書軹爲斬軌爲範杜云  
軌當爲軹

校人八麗八師八趣馬註 八皆宜爲六

庾人以阜馬佚特註 杜云佚當爲逸

散馬耳註 散讀爲中散大夫之散

圉師夏庠馬註 故字庠爲訝

射則克楛質註 杜讀楛爲齊人言鈇楛之楛

職方氏竹箭註 故書箭爲晉

按古箭讀爲晉吳越春秋晉竹十雙卽箭竹也

其浸頰湛註 杜云湛讀爲人名湛之湛湛或爲淮

其浸波澁註 波讀爲播

其川淮泗其浸沂沭註 淮或爲睢沭或爲洙

其浸慮維註 慮維當爲雷雍

按廬石經作廬

其澤藪曰弦蒲註 弦或爲汧蒲或爲浦

按汧水決爲弦蒲藪一名汧浦

其澤藪曰豨養註 杜讀豨爲奚

訓方氏誦四方之傳道註 故書傳爲傅

形方氏無有華離之地註 杜云離當爲雜又華讀爲

佩哨之佩

秒官司寇

蜡氏註

蜡讀如狙司之狙

萍氏註

萍讀爲蚌或爲萍號起雨之萍又讀如小子

言平之平

司烜氏註

烜讀如衛侯燬之燬故書燬爲垣

條狼氏註

杜云條當爲滌器之滌

冥氏註

冥讀爲冥氏春秋之冥

庶氏註

庶讀如藥賁之賁

翬氏註

翬讀爲翹翼之翹

柞氏註

柞讀爲音聲喑喑之喑屋竿之竿

周禮故書考

主

雉氏註 書雉或作夷又讀如髻小兒頭之髻

若族氏註 若讀爲摘族讀爲爵族之族

蝸氏註 蝸讀爲蜮

按說文蜮正字也蝸或字也

壺涿氏註 故書涿爲獨獨讀爲濁其源之濁書亦或爲濁

掌訝註又輪人牙也者註 訝讀爲跛者訝跛者之訝  
大司寇上願糾暴註 恭當爲恭

以邪成弊之註 故書弊爲愍

使其屬蹕註 故書蹕作避杜云避當爲辟

小司寇附于刑註又附刑罰註 故書附作付

以八辟麗邦灋註 杜讀麗爲羅

士師以比追胥之事註 胥讀如宿僭之胥

一曰邦灼註 灼讀如酌酒尊中之酌

按周頌酌左傳作灼是灼與酌古今字

七曰爲邦朋註 故書朋作備又備讀爲朋友之朋

按漢書王尊傳羣盜備宗蘇林曰備音朋晉灼音

倍師古曰晉音是也

則以荒辯之灋治之註 辯讀爲風別之別又辯當

爲貶

正之以傳別約劑註 故書別爲辯傳或爲符辯讀  
爲風別之別

朝士有判書以治註 故書判爲辨讀爲別

盧刑貶註 故書慮爲憲貶爲窆杜云窆當爲禁

犬人凡幾珥沈辜註 幾讀爲疲又幾讀爲劓珥當爲

珥

掌戮搏之註 搏當爲膊諸城上之膊

髡者使守積註 髡當作完

崗隸掌子則取隸焉註 杜云子當爲祀

蜡氏掌除鼬註 故書鼬作脊又脊讀爲殞

除不獨註 獨讀如吉圭惟館之圭

司烜氏共煨燭庭燎註 故書煨爲黃

若屋誅註 屋讀如其刑剗之剗

修閭氏比其追胥者註 胥讀爲偕

雉氏春始生而萌之註 故書萌作甍

翦氏掌除蠹物註 故書蠹爲絜

赤友氏以蜃炭攻之註 故書蜃爲晨

壺涿氏炮土註 故書炮作泡杜讀炮爲苞有苦葉之

苞

杜梓午貫象齒註 故書梓爲梓午爲五杜云梓讀

為枯書或為樗

伊耆氏共其杖咸註 咸讀為函

大行人再裸壹裸註 故書裸作果又裸讀為灌

頁嬪物註 故書嬪作頻

屬象胥諭言語註 胥讀為諧

協辭命註 故書協辭命作叶詞命又叶當為汁

小行人則令賻補之註則令槁禴之註 故書賻作傅

槁為棗又槩當為槁

司儀賓拜送幣註又賓使者如初之儀註 賓當作儗

行夫使則介之註 故書曰夷使

掌客牲三十有六牲十有八註又受牲禮註 牲

臚

米百有二十筥註車三秬註 筥讀爲棟栳之栳秬  
讀爲秬秠麻答之秬

掌交辟行之註 辟讀如辟忌之辟

冬官考工記

或通四方之珍異以資之註 故書資作齊

資絺之資

燕無函秦無盧註 函讀如國君舍垢之舍  
作舟以行水註 故書舟作周

按詩大東舟人之子鄭曰舟當作周朱育集字舟  
爲古文周字

貉踰汶則死註 貉或爲獫

妘胡之筭註 故書筭爲筭又筭讀爲榮杜云妘讀  
爲焚咸邱之焚書或爲邠

石有時以泐註 泐讀如再劫而後卦之劫

攻木之工七刮摩之工五註 故書七爲十刮作梳

函鮑鞞韋裘註 鮑讀爲鮑魚之鮑書或爲鞞鞞讀

爲歷運之運

畫續鍾筐幌註 幌讀爲芒芒禹迹之芒

玉櫛雕矢磬註 櫛讀如巾櫛之櫛故書雕或爲舟  
搏壻之工陶旒註 壻書或爲植旒讀爲甫始之甫  
又讀如放於此乎之放

旣建而弛註又弓人留果不弛註 弛讀爲倚移從  
風之移

僕屬註 僕讀如子南僕之僕

滅速註 速疾也書或作數

加軫與鞮焉註 鞮讀爲旃僕之僕

輪人欲其微至也註取諸圓也註 微至書或作危至  
故書圓或作員

欲其掣爾而織也註 掣讀爲紛容掣參之掣又如

桑蝶峭之峭

欲其眼也註 眼讀如限切之限

按眼說文作輒

砥其綆註 綆讀爲關東言餅之餅

欲其蚤之正也註又輪人蚤圍註 蚤當爲爪

察其菑註 菑讀如糶廁之廁

矩其陰陽註 故書矩爲距

稹理註 稹讀爲奠祭之奠

穀難敝不歆註 歆當作耗

則柞註 柞讀爲迫啗之啗

則摯註 摯讀爲槩

捎其藪註又匠人捎溝註 捎讀爲桑螟蛸之蛸

捎其藪註 藪讀爲蜂藪之藪

故竝其輻註 竝讀如絃經之絃

亦弗之濂也註 濂讀爲黏

則無槩而固註 槩讀如澀

萬之以眡其匡也註 故書萬作禹書或作矩

輪人程圍倍之註 程讀如丹桓宮楹之楹

庇軹註 故書庇作秘

與人去一以爲隧註 隧讀如鑽燧改火之燧又讀如  
遂字之遂

爲之較崇註 故書較作權

鞬圍註 書鞬或作軫又鞬讀如繫綴之綴

飾車欲侈註又鳥氏侈奔之所由興註 故書侈作  
移

輶人軌前十尺註 十或作七軌書或作軹

孤深註 杜云孤讀爲淨而不汗之汗

登陴不伏註 故書伏作偃

必繪其牛後註 故書繪作艘

駟欲頎典註 頎讀爲頎 頎典讀爲殄

準則久註又東氏準之註 故書準作水

按古準字皆作水

左不榷註 杜云榷讀爲蹇書榷或作券券今倦字也

馬不契需註 契讀爲爰契我龜之契需讀爲畏需之需

環澆註 澆爲澆酒之澆

冶氏鋌十之重三坑註 鋌讀如麥秀鋌之鋌坑讀爲

丸

重三鈔註 鈔讀爲刷

息氏兩樂註 故書樂作樂

侈則柞註 柞讀爲咋咋然之咋

圍之註 故書圍或作圍

輿氏註 輿古文或作歷

然後量之註 量讀如量人之量

其髣一寸註 故書髣作髣

凡鑄金之狀註 故書狀作壯

函人七屬六屬五屬註 屬讀如灌注之注

欲其窓也註 窓讀爲宛彼北林之宛

鮑人註 鮑故書或作鮑

卷而搏之欲其無弛也註 卷讀爲可卷而懷之之  
卷搏讀爲縛一如瑱之縛弛讀爲旣建而弛之之弛  
察其線註 故書線或作綜又讀爲緬

而脛脂之則需註 故書需作劓劓讀爲柔需之需  
脛讀如沾渥之渥

以博爲棧也註 棧讀爲翦又讀爲羊猪莩之莩  
不甌註 甌故書或作鄰讀爲磨而不磷之磷

韞人註 韞書或爲鞫

穹者三之一註 穹讀爲志無空邪之空又讀如穹

蒼之穹

按弟子職云志無虛邪虛一作空故讀從之又韓詩白駒云在彼穹谷今詩作空

上三正註 三讀當爲參

畫績之事山以章註 章讀爲獐

鍾氏染羽以朱湛註 湛讀如漸車帷裳之漸

五入爲緞註 緞今禮俗文作爵

恍氏凍絲以汎水註 故書汎作湄

渥淳註 渥讀如郤人渥菅之渥

淫之以蜃註 杜云淫堂爲涅書亦或爲湛

玉人命圭七寸謂之躬圭註 故書或云命圭五寸謂之躬圭

上公用龍侯用瓚註 龍當爲尢瓚讀爲蒼屨之屨  
天子圭中必註 必讀如鹿車繹之繹

裸圭只有二寸註 裸之言灌也或作漚或作果  
黃金勺註 勺故書或作約

衡四寸註 衡古文橫

以致稍餼註 餼或作氣

矢人弗矢註 弗當爲殺

殺矢註 殺當爲弗

以其筭註 筭讀爲橐

亦弗之能憚矣註 故書憚或作怛讀爲憚之以威之憚

欲生而搏註 搏讀如搏黍之搏

陶人鬲實五穀註 庾實二穀註 穀讀爲斛庾讀如請益與之庾之庾

旄人髻懇辟暴註 善讀爲刮又讀爲剔辟讀爲藥黃藥之藥暴讀爲剝

器中膊註 膊讀如車輗之輗

梓人爲筍虛註 筍讀爲竹筍之筍

耀後註其聲大而宏註 耀讀爲哨宏讀爲絃經之

絃

顧脰註 故書顧或作𦉰𦉰讀爲鬻頭無髮之鬻

撥爾而怒註匪色註 故書撥作廢匪作飛

廢措註 故書措爲厝

梓人觚三升註 觚當爲觶

一豆註又食一豆肉飲一豆酒註 豆當爲斗

兩個註 个讀若齊人協幹之幹

縝寸註 縝讀爲竹中皮之縝

春以功註 春讀爲蠢

廬人句兵欲無彈刺兵欲無峭註 故書彈或作但峭  
或作絹但讀爲彈丸之彈絹讀爲怡邑之怡

句兵柶讀 柶讀爲鼓鞞之鞞

細則校註又弓人故校註 校讀爲絞而婉之絞

晉圖註 晉讀如王搢大圭之搢

匠人置槩以縣註 故書槩或作弋讀爲杙又槩古文  
臬

環淙七軌註 故書環或作輓

水屬不理孫註 屬讀爲注

凡行奠水註 奠讀爲停

善防者水淫之註 淫讀爲廡又讀爲淫液之淫

里爲式註 里讀爲已

大汲其版註 故書汲作沒

車人庇長尺有一寸註 庇讀爲其穎有疵之疵又讀

爲棘刺之刺

其博三寸註 故書博或作搏

行山者仄鞣註 故書仄爲側

牝服註 服讀爲負

弓人櫜次之註 櫜讀爲億萬之億

菑栗不弛註 菑讀爲不菑而畚之菑栗讀爲榛栗

之粟又讀爲裂繻之裂

紕而昔註 紕讀爲紕縛之紕昔讀爲交錯之錯又  
讀履錯然之錯

休於氣註 休讀爲煦

恒當弓之畏註 故書畏或作威讀如秦師八隈之  
隈

凡昵之類註 故書昵或作機杜云機讀爲不義不  
昵之昵或爲翻又謂機脂膏臚敗之臚

欲小簡而長註 簡讀爲拙然登陴之拙又讀如簡  
札之簡

漆欲測註 測讀爲惻隱之側又讀如測度之測

春液角註 液讀爲驛

春液角則合註 合讀爲洽

斲目必茶註 茶讀爲舒

摩其筋註 故書筋或作薊

筋之所由幘註 幘讀爲車幘之幘

厚其帑註 帑讀爲襦有衣絮之絮

恒角而短註 恒讀爲袞絙之絙又讀爲拒

菱解中有變焉故技註 菱讀爲激發之激又讀如

齊人名手足擊爲骹之骹

故剽註 剽讀爲湖漂絮之漂

無燿註 故書燿或作朕

薄其蔽註 蔽讀爲蔽塞之蔽

弓而羽綱註 羽讀爲扈

維角定之註 定讀如筭距之穿之穿之穿

角不勝幹註 故書勝或作稱

有三均註 有三讀爲又參

寬緩以茶註 茶古文舒又讀爲舒

速中註 故書速成作數

利射侯與弋註 故書與作其

終